

HE KANIKAU NO NA PAAHAO.

Auhea wale oukou,
Kakou pu a pau,
E na hou Paahao,
Ua paa iho nei kakou,
Keia apo enaena loa,
Luuhi keia o Gehena,
Kali paa hoi o ka poe hewa,
Oia makou nei a pau;
Eia kakou maanei,
Ma ke kikowaena o ka Papu,
Kahi laa hoi o ka pouli,
Pouli kakou i ka hana hewa,
Ua hewa io, ua hewa loa,
Ke Akua pu kekahi kokua mai,
I kalaia hoi na hewa nei,
O makou nei a pau loa,
Ke mihi io nei a haalele,
I na hewa o makou,
Na lawehala paahao no,
Ua ike iho nei makou i ka inea,
Ke papa loa aku nei makou,
Na hoa aloha, na makamaka,
Na hoa launa, na makua,
Na mea no hoi a pau loa,
Mai Hawaii a Kauai,
Malama oukou ia oukou,
O haule pu mai la ia nel,
Kahi a makou e au nei,
Ka lua pau lua mihi io,
Menei oukou e hoomanao,
Pau pu kakou a Lanai,
Aia nae hoi ku i ka ihu;
Ahe a makou, ua hualo,
Ua haule iho nei iloko o ka hewa,
Auwe! wale oukou,
Na paahao lawehala no,
Ke mihi nei makou, o Iesu Kristo ka mo-
hai,
Ia ia makou e maha ai,
Ke kau nei makou, i ko makou luhia pau,
Maluna o Iesu Kristo-Hipa kina ole;
Na hewa o makou a pau loa,
Nana no e auamo,
Na kauwa hoi o ke Akua,
Lakou kahi e malama mai,
Na Hipa auwana hele hewa loa,
Menei kakou na paahao,
Noonoo kakou ia kakou,
Ke pau ka palena ona ia;
O na manawa i hoopaiia ai,
A puka aku kakou mawaho,
E haalele loa i ka naau kamalii,
Me na hana kolohe a pau,
Ka aihue, ka moekolohe,
Ka epa hoi, ke apuka,
Ka hoopunipuni, ka hoike wahahee,
Ka inu bira, me ka haukae,
Me na hewa a pau loa,
Holoi na lima kiola loa,
Hoomaemae pono i ka naau,
E makau loa ia Gehena,
Kahi a kakou i ke maka ai,
Mamuli makou o Iesu,
Me ke aloha pu.

Na JOHN LADN UHUHU,
Honolulu, Ianuari 22, 1857.

Ke mihi nei ka poe hana hewa mamuli o
ko lakou hoopai ana; aka, ina ua hookuuia
lakou; alaila, e pau koke ko lakou mihi ana,
a e lilo hou lakou i ka hewa. O ka mihi
maoli, oia no ka mihi mamuli o ke Akua wa-
le no, me ka naau haalulu, a me ka manao
kue i na hewa a pau, a me ka manao paa e
pili me ka pono. Ina pela ka mihi mau ana,
aole e lilo hou ke kanaka i ka hewa. L. H.

NO NA NINAU HELU.—Ke hooili pinepine
mai nei kekahi mau kanaka a kamalii paha
i mau Ninau Helu a me na mea e ae oia
ano; aka, ua poino paha lakou i ka'u Olelo
Hoolaha i pai ia iloko o ka Hae mamua
A penei ka hoolaha ana, ina e hooili
kekahi i Ninau Helu a mea ano like paha,
e hooili pu mai ka loa a me ka wehewehe
ana o ua mea la ma ka pepa okoa; alaila, e
hiki ia makou ke pai ia mea maloko o ka
Hae, ke pono ia; aka, ina aole e hooili mai
ka loa a me ka wehewehe ana, aole e pai i
ka Ninau. L. H.

NO KA HAE HOU.

Ua kokoke mai ka manawa e hoomaka i ka
Hae Hawaii ma kona ano hou, a e hoolaha
'ku ia ia, i mea e hiki ai kona mau makama-
ka ke heluhelu a e noonoo i na mea maloko;
aole nae i hoike nui mai na luna o ka Hae i
ka nui o na kanaka lawe i keia makahiki
aku; a he kanakua ko makou no ka nui o na
pepa e pai ia ai. A nolaila, ke kauoha aku
nei au i na luna o ka Hae e hoike koke mai
i ka nui o ka poe lawe ma ko lakou mau Apa-
na: alaila e maopopo ia makou ka nui o na
pepa e pai ia ni, he 1,000 paha, he 2,000 pa-
ha, a he 3,000 paha.

E kali iki paha makou i ka pai ana o ka
Buke 2 o ka Hae, a maopopo ka nui o ka poe
lawe; alaila e hoomaka i ka pai ana. Aka,
ina e loa koke ia makou na palapala o na
luna e hoike mai ana i ka nui o ka poe lawe
i ka Hae; alaila e pai koke no. Nolaila, e
na Luna o ka Hae a pau loa, e hoike koke
mai i ka nui o ka poe lawe.

J. PULA.—Luna Hooponopono.
Honolulu, Feb. 23, 1857.

OLELO HOOLAHA.

O KE ALOHA ko oukou na kanaka a pau loa o
keia Pae Aina mai Hawaii a Niihau. Ke hai
aku nei maua ia oukou i lohe oukou, o ka malama
Hale Kuai ka maua hana e noho nei o Honolulu nei,
a i mea e oi ae ai kahi loa, ua hui ae maua o Keoki
a me Kalaniopuu, o Keoki keia i noho iho nei mahou-
pe o Lopaka. Elua a maua hale kuai, eia ka maua
kauoha ia oukou na kanaka o na wahi kuasaina. I ko
oukou makaikai ana mai ia Honolulu nei, e hele mai
oukou e makaikai i ko maua hale kuai. Aole e hiki
ke helu ia aku na aniani a pau loa o ko maua mau
hale, eia nae kekahi; o na Makalena oia ano ae ia
ano ae, o na Kalekua a pau, o na Kilika, Kamaa, Pa-
pale Palale, Kuka, Puapua, Lei, (nu hou) wai-
ala. E hele mai oukou na kanaka o kuasaina, e ike ia
maua, mai makau oukou, ua kamaaina maua ia nei.
O ka poe maloele e hookipa ae i ko maua hale. O
ka poe make wai e komo mai i loa ka wai, a e inu
iho a ana; a o ka poe puhi baka e komo mai e hoao
i ka ipu baka, a me ka baka o ko maua mau hale.
E paa naau iho oukou i ka maua wahi kauoha.
Na maua o KEOKI a me KALANIOPUU. 52-1t

OLELO HOOLAHA.

MA KA HALAWAI o ka poe Kinai Ahi, ua kobola na mea
nana na inoa malalo.

J. S. TOWNSEND no ka Apana 1.
J. I. DOWSETT, " " 2.
GEORGE CLARK, " " 3.
FRANCIS SPENCER, " " 4.
Ua hoakaka ia ka hana a na Luna Kinai Ahi ma na Kana-
wai o 1851, i hoolaila iloko o 1856.
Ma ke kauoha W. F. ALLEN, Kakanolelo P. D.

OLELO HOOLAHA A KA LUNA HOO-
PONOPONO WAIWAI.

E HELE koke mai onkou na mea a Wilama, (ka
mea i make aku nei) i aie ai, a e hookaa ia'u
ka nui o kona aie. KAMALENA. Luna Hoopono-
pono Waiwai o Wilama,
Ka Hale o Kauka Judd maluna, Feb. 22, 1857.
52-1t

KE AHIAHI Poaono nei, ua aihue ia kuu Wa-
ti Dala mai kuu hale; kokoke ma ka pa o Kau-
ka. Ina e hoihoi ia mai kuu Wati, alaila e uku aku
no au i \$5.00 aole hoi e hele i ka hookolokolo.
Na KALAKINA, Ilumuhumu,
Napanu, 23 Feb., 1857—52-1t

LOKO IA KUAI!

I KA LA 1 o A 1857, e kuai ia ma ke Ku-
dala ma kona Lahaina, no ka Papa Ho-
onaauao ka loko ia nui ma Kaluakaha, Molokai.
E haawi koke ia mai ka hapalua o ke dala, i ka la
kuai, a o kekahi hapalua iloko o na malama cono.
Aia kaa ke dala, e haawiia ka Palapala Sila Nui.
J. F. COLBORN. Luna Kudala.
Lahaina, —53-1mth

OLELO HOOLAHA.

E IKE na mea a pau, owau o ka mea nona ka
inoa malalo ino, ke hoolaha aku nei au; he lio
hele hewa eia makuu kula ma Kalihi i uka, he lio
kane punkea, lae kea, a o kona hao kuni ma ka uha
akau, eia Ina e ike ka mea nona keia lio e kii mai
a loa au ma Kalihi uk, me na dala he \$10.00, akola
makahiki ka noho ana me au, ina e kii ole mai oe, a
hala na la he 31, alaila lilo keia lio ia'u me kuu hoo-
kauwa ia ia. Na'u na S. NAPUA.
Kalihi, Feb. 23, 1857.—52-1t

OLELO HOOLAHA.

E IKE auanei na kanaka o keia Mokupuni, ua
nalowale kuu lio ma Maemae, eia kona ano,
he lio puakea ulaula, keokeo iki ma ka lae, eia kona
hao kuni aole hao e ae. Ua kalaia ke kaula, koe
no ka laau e paa'i. Ua aihue maoli ia paha, o ka
mea e laa ai keia lio, e hoihoi ae no a loa au ma
Maemae, e uku no au ia ia \$5.00. HEENALU.
Maemae, Feb. 21, 1857.—52-1t

OLELO HOOLAHA.

O MAKOU o ka poe nona na inoa malalo, ke ko-
ho nei makou ia LOHIAU, i Luna no ko makou
mau Kuleana pakahi, nana no e hopu i na holoholo-
na komo hewa, a e hoopai aku e like me ke Kanawai
e noho nei. Aka, e hiki no ia makou ke hoopai ia ia
ke hewa kana hana ana, a e hiki no hoi ia ia ke koho
i hope nona ke pilikia oia.

No ka oiaio o keia mau olelo a makou, ke kakau
nei makou i ko makou mau inoa. S. Kumuhouua,
Pohia, Papa, Wahine, Kalaula, Pahua, Kalimau-
laloa.
Honolulu, Feb. 16, 1857.—52-1t

E IKE auanei na kanaka a pau ma keia palapala,
ke hookapu loa aku nei au i na lio, hoki, mi-
ula, bipi, kao, aole e hele maluna o ke kula o Keo-
neula, i Honolulu, aole hoi ma na wahi mahi o Keo-
neula. Ina e komo hewa mai kekahi holoholona o
hai i ae ole ia e na luna o Keoneula, e uku no ia e
like me ke kanawai o ke Aupuni e noho nei, a e uku
no hoi i ka poino a me nalilo no ia aia. A ina e
uku ole mai, e hookomoia no iloko o ka Pa Aupuni
no na holoholona hele hewa.
Hanaia a hoopaa loa ia i keia la 4 o Feb., 1857.
S. KEAWE.—Hope Luna Konohiki. 52-1t

KE HOAKAKA ia nei ma keia Olelo Hoolaha ka
inoa o na IA kapu a na Konohiki i hoonu
mai iloko o ke Keena Kalaiaina, e like me ka olelo o
ke Kanawai.

KONOHIKI,	ILI AINA	IA KAPU.
W. L. Moehonua,	Mokauae, Kal., Oahu,	Anae;
Kaeliwai,	Waimea, Koolauloa, "	Kala,
T. C. B. Rooke,	Halawa, "	Anae,
C. W. K. Kenai,	Kahakuloa, Maui, Pauhuahu,	Hee,
Geo. Shaw,	Maenani, "	Kala,
W. H. Kanuwai,	Kekuaapaewela, "	Opihi,
" "	Nehe, "	Anae,
" "	Honokohau, "	Uhu,
Keoni Ana,	Halehaku, "	Uhu,
Pane,	Maunalei, Lanai,	Hee,

Ua hoonu mai no kekahi poe Konohiki i ka inoa
o ka lakou mau ia hookapu no ko lakou mau aia,
aka aole nae i hoonu mai i ke dala hookahi no ka
Hoolaha ana'ku a keia Keena Oihana, nolaila e pono
i na Konohiki e hoonu i ke dala alaila hoolahaia'ku
ka lakou ia kapu. Ma ke kauoha
S. SPNECER, Kakaulelo. 51-2t

OLELO HOOLAHA.

I KEIA LA ua koho ke Kianina o keia Mokupuni
o KELIKOLANI, a na hoaponoia keia mau
inoa malalo e ka mea Kiekie, ka mea e hana ana i ka
Oihana Kalaiaina, e noho lakou i Luna Awa ma ka
Mokupuni o Hawaii

APANA O	Hilo, & Pana,	Nakiowai,
"	Kau,	Ianui,
"	Kona Hema,	He Kapahi,
"	Kona Akau,	Waiau,
"	Kohala H., & Hamakua,	Keau,
"	Kohala Akau,	Pau,

Aponoia. 14 Feb., 1857—51-2t